



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Agnese Ibrahim	11.06.2026	19.06.2026	2026/0364

BAZA LIGJORE E SHQYRTIMIT

Me datën: 05.06.2026, OE “TETRONIKS L.L.C.”- Prishtinë, ka parashtruar ankesë me nr: 2026/0364, kundër anulimit të aktivitetit të prokurimit, lidhur me aktivitetin e prokurimit: “Furnizimi me kamera servisimi dhe mirembajtja e pajisjeve te sigurise dhe kamerave ne ndertesat qeveritare” me nr. të prokurimit: "214-25-1747-1-1-1", iniciuar nga Autoriteti Kontraktues (AK) – MINISTRIA E PUNËVE TË BRENDASHME.

Autoriteti kontraktues ka zbatuar procedurë të hapur, lloji i kontratës: furnizim, vlera e parashikuar e kontratës: 600,000.00 €.

Lidhur me këtë lëndë nuk është nxjerr asnjë vendim i mëparshëm i OSHP - së. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

Neni 1 - Qëllimi i LPP-së

Neni 7 - Barazia në Trajtim/Jo-diskriminimi/Transparenca

Neni 26 - Nënshkrimi i kontratës

Neni 62 - Përfundimi i Aktivitetit të Prokurimit

Gjendja faktike

Me datën 25.04.2025 është bërë dorëzimi i tenderit në platformën e E-Prokurimit përderisa B12 Procesverbali i Hapjes së Tenderëve është ngarkuar në po të njëjtën datë në ora 15:19.

Me datën 20.06.2025 kemi pranuar nga AK letër standarde për tenderuesin e suksesshëm dhe B58 Njoftim mbi Vendimin e Autoritetit Kontraktues.

Pas kërkesë B47 Letër Standarde e kërkesës për sqarimin e tenderit, kemi bërë dorëzimin e dokumentacionit të kërkuar sipas kritereve të pranueshmërisë së OE-së në DT dhe me datën 04.07.2025 kemi pranuar B08 Njoftimin për dhënie të kontratës, kompania jonë është shpallur si tenderi i përgjegjshëm me çmimin më të ulët dhe e përzgjedhur për kontratë. Nga kjo datë është bërë disa herë zgjatja e validitetit të ofertës dhe sigurimit të tenderit.

Draftin e kontratës AK-ja e ka ngarkuar në platformën e E-Prokurimit me datë 09.07.2025 të cilën ne si OE e kemi aprovuar.

Nga kjo datë, AK-ja më nuk ka informuar mbi kohën dhe ecurinë e nënshkrimit të kontratës edhe përkundër kërkesave tona të kohëpaskohshme për nënshkrimin e kontratës.

Me datën 21.05.2026, AK-ja përmes platformës së E-Prokurimit dërgoi B10 Njoftimi për Anulimin e aktivitetit të prokurimit me arsyetimin se nuk janë plotësuar kushtet sipas kërkesave të Paragrafit 2 të Nenit 26 të Ligjit të Prokurimit Publik (LPP).

Procedura e prokurimit është zhvilluar dhe përfunduar në përputhje me Ligjin për

Prokurimin Publik, ku:- është marrë vendimi për dhënie të kontratës- kanë përfunduar afatet ligjore për ankesa- nuk ekziston asnjë vendim pezullues nga OSHP apo organ tjetër kompetent- draft-kontrata është përgatitur dhe dërguar për aprovim

- ne si OE kemi përmbushur të gjitha kushtet ligjore dhe kontraktuale të kërkuar

ANKESA

1. Anulim i paligjshëm - Shkelje e Nenit 62 të LPP-së

Neni 62 i LPP-së lejon anulimin e një aktiviteti të prokurimit vetëm para dhënies së kontratës ose në rrethana të përcaktuara ngushtë. Pas dhënies së kontratës, skadimit të afatit të ankesave dhe krijimit të kontratës, anulimi është i paligjshëm. Duke e anuluar dhjetë muaj pas dhënies së kontratës, AK-ja ka vepruar në shkelje të drejtëpërdrejtë të Nenit 62 të LPP-së.

2. Zbatim i gabuar i Nenit 26 të LPP-së

Neni 26, Paragrafi 2, rregullon nënshkrimet e kërkuara për vlefshmërinë ligjore të kontratave. Ky Nen nuk autorizon anulimin e një aktiviteti prokurimi pas dhënies së kontratës. Duke përdorur këtë dispozitë si bazë për anulim, AK-ja ka zbatuar gabimisht ligjin dhe në mënyrë arbitrare, bën shkelje të Nenit 26 të LPP-së. Dispozitat juridike që rregullojnë procedurën e prokurimit publik nuk parashohin se si arsye ligjore e njoftimit të anulimit të prokurimit (pas shpalljes fitues) të jetë fakti i mos nënshkrimit të kontratës nga Zyrtari i Prokurimit, ZKA-ja apo Ministri përkatës. Në njoftimin e pranuar si arsye e anulimit konstatohet mosplotësimi i kërkesës së Paragrafit 2 të Nenit 26 të LPP-së. ZKA ja apo Ministri përkatës mund të refuzojnë nënshkrimin e kontratës vetëm në rastet e parapara me ligj, kur nuk është respektuar ndonjë dispozitë ligjore, por që në rastin konkret në bazë të njoftimit të pranuar, nuk rezulton se të njëjtit të kenë refuzuar nënshkrimin e kontratës për shkak të konstatimit të ndonjë shkelje të caktuar të procedurës së prokurimit.

Rrjedhimisht, aktiviteti i prokurimit është anuluar pa asnjë shkak dhe pa bazë ligjore, në mënyrë arbitrare, prandaj si i tillë, njoftimi i marr është në kundërshtim me Parimin e Ligjshmërisë dhe Parimin e Pritshmërisë. Dispozitat ligjore që rregullojnë procedurën e prokurimit nuk i japin askund të drejtë ZKA-së apo Ministrit përkatës që të refuzojnë dhe të mos nënshkruajnë kontratën publike në rastet kur nuk konstatohet ndonjë shkelje ligjore gjatë zhvillimit të aktivitetit të prokurimit publik, pra, nuk ka dispozitë ligjore që ia

mundëson AK-se anulimin e aktivitetit të prokurimit kur pa asnjë arsye ligjore ZKA-ja dhe Ministri përkatës nuk e nënshkruan kontratën, prandaj njoftimi dhe vendimi për anulim të aktivitetit të prokurimit publik është arbitrar dhe i paligjshëm.

3. Ka cenuar qëllimin e LPP-së, Neni 1

Ky vendim për anulim të procedurë me qëllim të bllokimit të kontratës pa bazë konkrete ka cenuar sigurinë dhe krijon pasiguri juridike duke dëmtuar integritetin e Prokurimit Publik.

4. Shkelja e parimeve të përgjithshme Neni 7 i LPP-së

Neni 7 i LPP-së përcakton parimet udhëheqëse të prokurimit: transparencë, trajtimit i barabartë, mos-diskriminimi, proporcionaliteti dhe siguria juridike. Duke zvarritur nënshkrimin e kontratës për më shumë se dhjetë muaj dhe më pas duke e anuluar atë, AK ja ka cenuar:- Sigurinë juridike, pasi dhënia e kontratës dhe pritja për nënshkrim krijoi pritshmëri legjitime- Transparencën dhe trajtimin e barabartë, duke qenë se anulimi nuk bazohej në ndonjë shkak të ligjshëm, por në vetë dështimin administrative të AK-së.

Konsiderojmë se ky veprim përbën shkelje të parimeve të transparencës, proporcionalitetit, trajtimit të barabartë, tejkalim të autorizimeve ligjore dhe cenim të të drejtës sonë si OE që të fitojmë përmes një procedure kontraktuale të ligjshme të prokurimit publik.

5. Përgjegjësia për dëmet

Mosveprimi i AK-së dhe refuzimi arbitrar i nënshkrimit të kontratës përbën akt administrativ të kundërligjshëm që ka shkaktuar dëm neve si OE duke krijuar bazë për kompensim të shpenzimeve dhe fitimit të humbur sipas dispozitave të LMD-së nr.04/L077 dhe legjislacionit për mbrojtje juridike në prokurimin publik. Si pasojë e anulimit të paligjshëm, kompania jonë ka pësuar shpenzime dhe ka humbur fitimin që do të gjenerohej nga ekzekutimi i kontratës.

Kemi kërkuar nga AK-ja që të merr për bazë faktet dhe argumentet e cekura më lartë që dëshmojnë qartazi shkeljet e dispozitave të LPP-së, të bëjë anulimin e vendimit të Njoftimit për Anulimin e aktivitetit të prokurimit dhe të vazhdojë menjëherë me

nënshkrim të kontratës, ndërsa AK-ja ka zgjedhur heshtjen administrative duke mos

kthyer përgjigje në kundërshtim me dispozitat ligjore që dalin nga LPP-ja. Andaj, jemi të

obliguar të procedojmë tutje me ndjekjen e masa ligjore, me ankesë pranë Organit

Shqyrtues të Prokurimit konform Neni 108/A të LPP-së, duke kërkuar nga Paneli

Shqyrtues i OSHP-së që të sjell vendim meritore me të cilin obligon AK-në që:- të anulohet njoftimi për anulim të procedurës së prokurimit- të urdhërojë AK të procesoj tutje dhe pa vonesë nënshkrimin e kontratës.

KRITERET PËR VLERËSIM

Kapaciteti teknik dhe profesional 1. Operatori ekonomik ose grupi i operatorëve ekonomik duhet të ketë Autorizim (MAF) ose (DAF) direkt nga prodhuesi ose Distributori me titull dhe numer të projektit konkret për produktet e kategorisë A nga 1 - 12 dhe për produktete e kategorisë B nga 95-109 që janë pjesë e kësaj kontrate.	<i>Dëshmia e kërkuar dokumentare:</i> 1. MAF-i ose DAF-i -Kopje.
2. Operatori Ekonomik ose Grupi i Operatorëve Ekonomik duhet të paraqes stafin teknik profesional minimumi a) - Një (1) menaxher të kontratës i cili duhet të jetë minimum Bachelor nga fusha e Fakultetit Elektro Teknik, Elektronik , Inxhinjeris Elektrike dhe kompjuterike apo Shkenca Kompjuterike; b) - Tre (3) teknikë të certifikuar për mirëmbajtje të Kamerave të Sigurisë c) - Dy (2) Teknikë të certifikuar për mirëmbajtje të X Ray skanerë dhe Detektorëve të metalit Walk Through dhe Hand Held	2. Lista e stafit të nagazhuar për këtë projekt e vulosur dhe nënshkruar nga OE; a) Për menaxherin e kontratës Vendimi për caktimin e menaxherit i nënshkruar dhe vulosur nga OE, Diploma përkatëse kopje, CV- , kontrata valide ose marrëveshja e punës me punëdhënësin për këtë projekt – kopje. b) Për tekniket <u>Diplomat</u> ose Certifikatat -profesionalë përkatëse kopje, CV, kontrata valide ose marrëveshja e punës me punëdhënësin për këtë projekt – kopje. c) PPër tekniket <u>Diplomat</u> ose Certifikatat -profesionalë përkatëse kopje, CV, kontrata valide ose marrëveshja e punës me punëdhënësin për këtë projekt – kopje.
3.Operatori Ekonomik ose grupi i operatorëve ekonomik, së bashku me ofertenë duhet të dorëzoj katalogët prej prodhuesit (për produktet e kategorive X-REAY, Barriera, Kamera, NVR, Switch dhe detektorë) për pajisjet që oferton. <u>Katalogët</u>, duhet të jenë të shoqëruara me përshkrim të detajuar të specifikimeve teknike për secilen pajisjes që oferton. Nëse katalogu përfshin <u>më shumë</u> modele, ju duhet të nënvizoni	3. Katalogu (kopje)

(shënjoni) modelin me të cilin ofertoni.	
4. Operatori Ekonomik ose grupi i <u>operatorëve ekonomik</u> duhet të ofrojë dëshmi së ka përfunduar me sukses kontrata në lëmin e furnizimeve të ngjashme për periudhën e shkuar trevjeçare në vlerë prej të gjitha së bashku jo më pak së 400,000.00 Euro.	4. Lista e projekteve të përfunduara e nënshkruar dhe vulosur nga OE për projekte e realizuara, duke bashkëngjitur referenca ose procesverbalet e pranimit përfundimtar Kur janë realizuar për autoritetin publik, si dëshmi për këtë realizim do të shërbejë kopja e certifikatës (certifikatave) ose referencës përkatëse të lëshuar nga autoriteti i tillë publik, për kontrata e cekura në listë; që janë realizuar për blerësin privat, dëshmi për këtë realizim duhet të jetë kopja e çdo dokumenti të nënshkruar nga blerësi dhe evidentimi i sigurimit të tillë, (si dëshmi duhet të ketë dëshmi nga banka). duke <u>treguar vlerën</u>, datën dhe vendin e realizimit të projektit.
5. Operatori Ekonomik ose grupi i operatorëve ekonomik pjesëmarrës duhet të për dorëzojë deklaratë me shkrim për përshkrim të karakteristikave të produkteve të ofertuara duke shkruar prodhuesin, modelin dhe specifikat teknike të ofertuara, e nënshkruar dhe e vulosur si dhe të siguroi pas montimit të pasijes 1 vit garancion.	5. Deklaratë me shkrim të nënshkruar dhe <u>vulosur</u> nga OE.
6. Operatori Ekonomik ose grupi i operatorëve ekonomik pjesëmarrës duhet të <u>jetë</u> i certifikuar me ISO - 27001 për sistemet për menaxhimin e sigurisë se informacionit - valide	6. Certifikata kopje dhe (linku për verifikim të certificates online)

RAPORTI I KOMISIONI VLERËSUES

MINISTRIA E PUNËVE TË BRENDSHME

NJOFTIMI PËR ANULIMIN E AKTIVITETIT TË PROKURIMIT

Sipas Nenit 62 të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Data e përgatitjes së njoftimit: **21.05.2026**

Nr. i prokurimit	214-25-1747-1-1-1
Nr. i brendshëm	

Ky njoftim është përgatitur në GJUHËT:

Shqip



Serbisht



Anglisht



NENI I: AUTORITETI KONTRAKTUES

I.1) EMRI DHE ADRESA E AUTORITETIT KONTRAKTUES (AK)

Emri zyrtar: MINISTRIA E PUNËVE TË BRENDSHME		
Adresa Postare: Rr: “Luan Haradinaj”, pn, ndërtesa qendrore e MPB-së, kati II, zyra 204, Prishtinë, Kosovë		
Qyteti: PRISHTINË	Kodi postar: -	Vendi: Kosovë
Personi kontaktues: Agim Islami		Telefoni: +383 3820076632
Email: agim.islami@rks-gov.net		Faksi:
Adresa e Internetit (nëse aplikohet): https://mpb.rks-gov.net		

Po ☐

Jo



Kontrata përshinë prokurimin e përbashkët

Po ☐

Jo



Kontrata shpërblehet nga Agjencia Qendrore e Prokurimit

NENI II: LËNDA E KONTRATËS

II.1) PËRSHKRIMI

II.1.1) Titulli i kontratës i dhënë nga autoriteti kontraktues:

“Furnizimi me kamera servisimi dhe mirëmbajtja e pajisjeve të sigurisë dhe kamerave në ndërtesat qeveritare”

II.1.2) Lloji i kontratës dhe lokacioni i punëve, vendi i dorëzimit apo realizimit (Zgjidhni vetëm një kategori - punë, furnizime apo shërbime – e cila korrespondon më së shumti me objektin specifik të kontratës suaj)		
☐ Punë	☒ Furnizime	☐ Shërbime
☐ Ekzekutim ☐ Plani dhe ekzekutimi ☐ Realizimi, në çfarëdo mënyre, të punës, përgjegjës me kërkesa	☒ Blerja ☐ Qira financiare (lizing) ☐ Qira ☐ Blerje me këste ☐ Një kombinim i këtyre	
Vendi apo vendndodhja kryesore e punëve/kryesor i dorëzimit/ kryesor i realizimit MPB – Depo në Rr.Luan Haradinaj” p n, Ndërtesa e ish Rilindjes MPB-së, Prishtinë		
II.1.3) Njoftimi përfshinë Krijimin e kontratës publike kornizë Po ☒ Yo ☐		
II.1.4) Përshkrimi i shkurtër i lëndës së kontratës “Furnizimi me kamera servisimi dhe mirëmbajtja e pajisjeve të sigurisë dhe kamerave në ndërtesat qeveritare”		
II.1.5) Klasifikimi i Fjalorit të Përgjithshëm të Prokurimit (FPP) ☐ ☐ 29816100-3		

NENI III: PROCEDURA

III.1) LLOJI I PROCEDURËS

☒ E hapur ☐ E kufizuar ☐ Konkurruese me negociata ☐ Kuotim i Çmimit

III.2) KRITERET E DHËNIES

☒ Çmimi më i ulët apo ☐ Tenderi ekonomikisht më i favorshëm
--

III.3) INFORMACIONET ADMINISTRATIVE

III.3.1) Prethodne publikacije koje se tiču istog ugovora Njoftimi paraprak Njoftimi për kontratë 2025/214-25-1747-1-1-1/B05-0005231 data 14.03.2025 Publikimet e tjera data
--

data

NENI IV: ANULIMI I PROCEDURËS

IV.1) Data e vendimit mbi anulimin e procedurës 21.05.2026

IV.2) Numri i tenderëve të pranuar 2

IV.3) Arsyeja e anulimit të procedurës së prokurimit publik:

Pas hapjes së tenderëve

- ☐ Një shkelje e LPP-se ka ndodhur apo do të ndodh në procedurën e prokurimit, e cila nuk mund të rregullohet apo të parandalohet përmes një amendamenti ligjor të kushteve të prokurimit;
- ☒ Një dispozitë në Ligjin e Prokurimit Publik kërkon anulimin e aktivitetit të prokurimit;
- ☐ Të gjithë tenderët e përgjegjshëm përmbajnë çmime të cilat në mase substanciale e tejkalojnë buxhetin e autoritetit kontraktues për aktivitetin e prokurimit;

Para hapjes së tenderëve

- ☐ Ndërprerja e aktivitetit të prokurimit është i nevojshëm për shkak të ngjarjeve dhe/apo arsyeve objektive dhe të demonstrueshme të cilat janë jashtë kontrollit të autoritetit kontraktues dhe të cilat kanë qenë të paparashikueshme në kohën e inicimit të aktivitetit të prokurimit.

NENI V: INFORMACIONET PLOTËSUESE

V.1) ANKESAT

Çdo palë e interesuar mund të bëjë ankesë pranë Autoritetit Kontraktues, në bazë të nenit 108/A të ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092 ne adresën e specifikuar në Nenin I të këtij Njoftimi mbi anulimin e aktivitetit të prokurimit.

V.2) INFORMACIONET SHITESË

Shtu informacione tjera:

Arsye e anulimit të procedurës është, sepse nuk janë plotësuar kushtet sipas kërkesave të paragrafit 2 të nenit 26 të Ligjit të Prokurimit Publik.

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

n/a

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

n/a

ARSYETIMI PËR DEVIJIM NGA PRAKTIKA E MËPARSHME

n/a

PËRGJIGJE NË PRETENDIMET ANKIMORE TË OE ANKUES - TETRONIKS L.L.C.

Sqarim hyrës: OE ankues ka parashtruar ankesë pranë OSHP-së si palë e pakënaqur me Vendimin e AK-së në lidhje me këtë procedurë të prokurimit. Pretendimet e ngritura ankimore janë shqyrtuar nga eksperti shqyrtues dhe i njëjti sipas mendimit të tij ka dhënë përgjigje si më poshtë.

Pretendimi 1

“Procedura e prokurimit është zhvilluar dhe përfunduar në përputhje me Ligjin për Prokurimin Publik, ku:- është marrë vendimi për dhënie të kontratës- kanë përfunduar afatet ligjore për ankesa- nuk ekziston asnjë vendim pezullues nga OSHP apo organ tjetër kompetent- draft-kontrata është përgatitur dhe dërguar për aprovim - ne si OE kemi përmbushur të gjitha kushtet ligjore dhe kontraktuale të kërkuar. AK-ja më nuk ka informuar mbi kohën dhe ecurinë e nënshkrimit të kontratës edhe përkundër kërkesave tona të kohëpaskohshme për nënshkrimin e kontratës. Pas dhënies së kontratës, skadimit të afatit të ankesave dhe krijimit të kontratës, anulimi dhjetë muaj pas dhënies së kontratës është i paligjshëm, AK-ja ka vepruar në shkelje të drejtëpërdrejtë të Nenit 62 të LPP-së.”

Përgjigje

Eksperti shqyrtues në lidhje me pretendimin e ngritur sqaron kronologjinë e mbarëvajtjes së këtij aktiviteti:

Me datë 13/03/2025, AK ka publikuar njoftimin për kontratë për këtë aktivitet të prokurimit;

Me datë 25/04/2025, AK ka bërë hapjen e ofertave duke publikuar edhe procesverbalin e hapjes së tenderëve;

Me datë 20/06/2025, AK ka publikuar njoftimin mbi vendimin e AK-së përmes të cilit sqarohet se autoriteti kontraktues shpërblen me kontratë OE ankues- Tetroniks;

Me datë 04/07/2025, AK ka publikuar formularin B08- Njoftimin për dhënie të kontratës;

Me datë 11/07/2025, AK përmes sistemit e-prokurimi ka dërguar për aprovim tek OE ankues draftin e kontratës për aprovim;

Me datë 21/05/2026, sipas e-prokurimit AK publikon formularin B10- Njoftimi për anulimin e aktivitetit të prokurimit përmes të cilit autoriteti dhjetë (10) muaj pas dërgimit për aprovimin e draft-kontratës anulon këtë aktivitet me arsyetimin se citim: “Arsye e anulimit te procedurës është, sepse nuk janë plotësuar kushtet sipas kërkesave te paragrafit 2 te nenin 26 te Ligjit te Prokurimit Publik.”;

Sqarojmë që gjatë kësaj periudhe prej dhjetë (10) muajsh që nga publikimi i draft-kontratës e deri në publikim të formularit B10 nga ana e AK-së, operatori ekonomik ka sqaruar që disa herë ka bërë kërkesa për nënshkrimin e kontratës mirëpo që sipas tyre asnjëherë nuk janë informuar rreth kohës apo ecures për nënshkrimin e kontratës. Kjo gjë vërtetohet edhe përmes sistemit ku shihet se OE me datë 21/11/2025 ka dërguar kërkesë për sqarimin e vonës së nënshkrimit të kontratës.

Pas kësaj situate, Autoriteti Kontraktues vetëm pasi kanë kaluar dhjetë (10) muaj pas publikimit të draft-kontratës ka publikuar njoftimin për anulimin e kësaj procedure (Formulari B10) sipas arsyetimit të dhënë më sipër ku eksperti shqyrtues sipas mendimit të tij sqaron që ky arsyetim i dhënë nuk është aspak i qartë sepse nuk tregojnë saktësisht arsyet se përse nuk janë përmbushur kushtet sipas paragrafit 2 të nenit 26 të Ligjit për Prokurimin Publik. Pra, sipas mendimit tonë ky njoftim për anulim nuk përmban arsyetim konkret mbi ekzistimin e ndonjë shkeljeje procedurale, ndryshim të nevojave të AK-së apo ndonjë rrethanë tjetër objektive që do të justifikonte nga ana e tyre anulimin. AK nuk ka ofruar asnjë dëshmi konkrete që sipas nenit 26, paragrafi 2 i LPP-së, kush nga personat e përfshirë në këtë paragraf ka refuzuar nënshkrimin e kontratës dhe në bazë të cilit arsyetim.

Në rastin e tillë sipas mendimit tonë vlerësojmë që AK në lidhje me këtë aktivitet të prokurimit nuk ka arsyetuar në mënyrë të mjaftueshme ekzistimin e arsyeve apo rrethanave ligjore që do ta bënin të pamundur lidhjen e kontratës, tashmë e publikuar në e-prokurimi. Për më tepër, edhe pse OE ankues me datë 26/05/2026 ka parashtruar kërkesë për rishqyrtim, kjo kërkesë sipas të dhënave në sistem nuk duket se është shqyrtuar nga ana e autoritetit kontraktues e që sipas nenit 108/A të LPP-së, AK duhet të jap përgjigje sipas afatit të paraparë për çdo kërkesë për rishqyrtim e cila parashtrohet nga ana e operatorëve ekonomik.

Në anën tjetër nëse AK paraqet dëshmitë konkrete me shkrim që një apo më shumë persona sipas nenit 26 të LPP-së refuzojnë të nënshkruajnë kontratën për arsye të caktuara ligjore atëherë sqarojmë që në rastin e tillë ne si ekspert shqyrtues nuk kemi kompetencë që të zëvendësojmë diskrecionin ligjor të organit kompetent dhe as nuk mund të urdhërojmë nënshkrimin e kontratës nëse kushtet ligjore për lidhjen e saj nuk janë plotësuar.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si pjesërisht e bazuar dhe rekomandon që lënda të kthehet në rishqyrtim.

Raporti i ekspertit shqyrtues, lidhur me ankesën e parashtruar nga OE “TETRONIKS L.L.C.”, lidhur me aktivitetin e prokurimit “Furnizimi me kamera servisimi dhe mirëmbajtja e pajisjeve të sigurisë dhe kamerave në ndërtesat qeveritare” me numër të prokurimit: “214-25-1747-1-1-1, të iniciuar nga Autoriteti Kontraktues (AK) – MINISTRIA E PUNËVE TË BRENDSHME

Raporti i ekspertizës ti dorëzohet:

- Autoritetit Kontraktues – **MINISTRIA E PUNËVE TË BRENDSHME**
- Panelit Shqyrtues – **OSHP**
- OE ankues – **TETRONIKS L.L.C.**

Agnese Ibrahim

